

HUMILIMA
ACCLAMATIO
GRATULATORIA,
AD
SACRAM CÆS.
MAJESTATEM,
PRO
RECUPERATA ILLIUS
VALETUDINE.



MASSACHUSETTS
OFFICE OF THE ATTORNEY GENERAL
BOSTON

SACRAMENTO
WESTERN

RECURRATA II LIND
VAGUELINE

1093.5



SACRA CÆSAREA
REGIAQUE MAJE-
STAS, &c.

IN maximo metu, in
assiduo motu Tui causâ fuimus,
AUGUSTE. Metuebamus
simul valetudini tuæ & salutē
nostræ, quæ à Tuâ pendet. Mo-
vebamur metu, ne TE moto
tota moveretur è sede fortunæ suæ Germania,
ac solveretur reliqua nutantis jam totius Europæ
Compages. Etsi enim solò DEO, cuius vices in
terris Numen inter homines, sustines, dignita-
te minor es, naturæ tamen lege ne cæteris mor-
taliū ante tempus æquarēris, summo perē time-
bamus. Hinc plena confluentium agminibus
A 2 templā,

templa, onerata sacrificiis aræ, fatigata profusis
ad omnia pulvinaria precibus. Cœlestium aures,
sacra diligentius solito frequentata publicæ solli-
citudinis necessitatem testabantur. Privata cu-
jusq; pietas sui oblita pro Tuâ duntaxat, *PRIN-*
CIPUM OPTIME, vitâ vota faciebat, ac
DOMINO DOMINANTIVM pro
REGE REGVM indefinenter supplicabat.
Ita clausimus priorem Annum, ita præsentem
cœpimus, neq; unquam ardentius quam in ipso
utriusque divortio thura fumârant, ne videlicet
Anni vertentis conversio nostram quoq; felici-
tatem verteret; novusq; Annus novam, sed mise-
randam humanis rebus formam indueret. In-
tercessit formidini nostræ suprema providentia,
nullibi quàm in Augustorum Capitem curâ oc-
cupatione. Noluit illa primum securi decennii
diem à tantâ clade auspiciari, quam ne integra
quidem secula repararent. Inhibuit impetum Fa-
torum eadem manus, quæ fati imperat, quæq;
Fata *AUGUSTÆ DOMVS TUAË*,
LEOPOLDE CÆSAR,
à primis ejus initiis ad hunc usq; diem, mirificè
temperavit. Contenta spectasse metus nostros,
observasse

observasse motus, noluit evenire, quæ eventura
verebamur. Miserata periclitantis in uno Capi-
te universi Corporis servavit Caput; ne corpus
interiret, & ut Corporis saluti consuleret, à Ca-
pite cœpit. Absterlit ab oculis nostris lacrymas,
a vultu lqualem, à cultu situm, & quos unius
dici nuncius afflixit, alterius lætitia erexit. Va-
lemus, quia TU vales, *IMPERATOR*; læ-
tamur, quia TU dolere desisti. Non libet retrò
flectere sensus, & quæ mens meminisse horret,
luctuq; refugit, in memoriam revocare. Hoc
enim uti paucis non potest, ita multis non de-
bet, ne vel de incolumitate Tua, *CÆSAR*,
vel de securitate nostrâ dubitare videamur. Pa-
vores bonorum, ambitiosa improborum spes, &
audaciâ vota, nihil avidius quàm mutationem re-
rum expectantia una dies genuit & extinxit. Su-
peris gratias, quorum præsentî ope liberata Res-
publica est! Recipe denuò Tuum Germania
CÆSAREM, Tuum Pannonia Bojohæmiâq;
REGEM, Tuum *AUSTRIA* supremum
& Deo similimum *PRINCIPEM*. Latere
Orbis salvo *CÆSARE*. Tuum *AUGUSTA*
MARITUM, Tuum Regia soboles *PA-*
RENTEM non humanæ artis consilium, sed

divinæ voluntatis beneficium non modo VOBIS,
est, & hoc factum, sed universæ Europæ resti-
tuit. Hæc enim ut gemitus suos vestris, suspiria
suspiriis conjunxit, ita sua jam vobiscum gaudia
dividit, & regnatricis Domus vestræ triumphis
voce publicâ accinit, gnara, prospera vestra non
minus quam adversa ad Orbis Christiani statum
omnino pertinere. Nec sanè *TIBI* magis, *IM-
PERATOR*, quam nobis de salute Tuâ gratu-
landum est, quæ quamdiu in ancipiti stetit, no-
stra quoq; fortuna, nostra tranquillitas, pari te-
cum periculo agitata est. Tunc demum experi-
mento constitit, quantum in Te uno momen-
tum sit; quantiq; referat vitam tuam non nisi à
fidis probatisq; manibus custodiri. Excubat, fa-
teor, pro incolumitate Tuâ, idem oculus, qui
TUAM MAJESTATEM suæ proximam
constituit, qui *TE DIVIS MAJORIBUS*
ortum, *ARCHIDUCEM* genuit, *REGEM*
unxit, *CÆSAREM* elegit; sed illius pervigil
geniûs humani famulitii ministerium, nec asper-
natur, nec excludit. Sunt *TIBI, AUGUSTE*,
ad manum, imò ad nutum fideles terræ, quos ipse
nosti, qui *TE* nōrunt, qui vitam tuam suâ po-
tiores habent, quos felicibus boni sæculi instru-
mentis

mentis, æqui meritorum æstimatores annu-
rant. His Corporis TUI custodiam, his Consi-
liorum summam, his Aulae regimen tutò commi-
sisti, ut qui non fortunam saltem in TE, (quod
plurimis in more est,) sed TE in fortunâ Tuâ fo-
vent, amant, venerantur. Faceſſant, & cum Fu-
riis ſuis ad Orcum, unde venerunt, revertantur,
ſi qui venenofi angues, viperarum infernalium
gemia, intra mœnia urbis tuæ, intra ſinum
Regiæ latuerunt. Noſtrum eſt conceptis pro
ſalute Tuâ, *CÆſar*, votis manus ſupplices
ſuſum tendere, ut ſummus humani Moderato-
Orbis, qui jam deploratis penè rebus ſalutiferam
manum velut e machinâ porrexit, ac præſens,
quod Capiti Tuo, quod noſtris omnium cervi-
cibus imminebat diſcrimen, ſive illud à morbo,
ſive ab inſidiis, & machinatore doli Erebo fuit,
miraculoſo dextræ ſuæ robore opportunè diſ-
cuſſit, Tui curam porrò ſollicitè gerat, ac TE
ſoſpitem incolumemq; præſtet, ut TU omnes,
quotquot ſub umbrâ alarum Aquilæ Auſtriacæ
ſine cupiditate, ſine impotentiâ vitam degimus
ambitionis ac avaritiæ ſtimulis vacuam, & TE
ſalvo, TE, (quod unum omnium votum eſt,) vi-
vo, atq; , ô quàm diutiſſimè! ſuperſtite, neq;
fallaces

fallaces peregrini floris delicias sectamur, neq;
infestos Leonum ungues pertimescimus. Ita Fiat!
prout religiosè vovet, qui Augustas Manús Tuas
demissè adorat

NUMINI MAJESTATIQUE T.

devotissimus

N.